

Qishloq hayoti

O'ZBEKISTON RESPUBLIKASI IJTIMOY-IQTISODIY GAZETASI

e-mail: infoqishloqhayoti@mail.ru

1974-yil 1-yanvardan chiqqan boshlagan

2026-yil 19-fevral, payshanba

№ 8 (9380)

t.me/Qishloqhayoti_gazetasi



“Долзарб 40 кунлик”:

БОШОҚЛИ ДОН ЭКИНЛАРИ МАЙДОНЛАРИДА ФИТОМОНИТОРИНГ КУЧАЙТИРИЛАДИ

Республика ҳудудларида қузатилаётган нам ва илиқ об-ҳаво туфайли бошоқли дон экинлари майдонларида занг касаллигининг кескин кўпайиши хавфини инобатга олган ҳолда агентлик тизимида 2026 йил 16 февралдан 28 мартгача “Долзарб 40 кунлик” эълон қилинди.

Асосий чора-тадбирлар ғалла майдонларида олиб борилади. Бунда сариқ занг, қўнғир занг ва бошқа касалликлар, бегона ўтлар, зарарли хасва, шилимшиқ қурт, шира, трипс ва бошқа зараркунандалар тарқалишининг олди олиниб, зарарли организмлар аниқланган майдонларда зарурий кураш чоралари ўтказилади. “Бугунги касалликлар, бегона ўтлар ва зараркунандалардан ҳимоя қилиш усуллари” бўйича ишлаб чиқилган махсус тавсияно-

ма агрокластер, фермер хўжалик-лари ва ғалла етиштирувчиларга етказилади.

“Долзарб 40 кунлик” давоми-да ғалла майдонларида тизимли кузатув ташкил этилиб, экинлар-ни ҳимоя қилиш тадбирларининг ўз вақтида бажарилиши бўйича фитосанитар назорат кучайти-рилади.

Қишлоқ хўжалиги вазирлиги ҳузуридаги Ўсимликлар карантини ва ҳимояси агентлиги ахборот хизмати

ЖАНУБИЙ КОРЕЯДАН БИР ОЛАМ ТААССУРОТЛАР БИЛАН

Менга Жанубий Кореяга сафар қилиш ва унинг халқи ҳаёти билан яқиндан танишиш имконияти насиб этди. Бу сафар мен учун нафақат янгиликлар ва таассуротларга бой бўлди, балки маданий жиҳатдан ҳам жуда қизиқарли ўтди. Сафарим Инчхон халқаро аэропортидан бошланди. Бу ҳаво дарвозаси жаҳон андозаларига тўла жавоб берадиган, қулай ва замонавий инфратузилмаси билан мени ҳайратга солди. Ҳар бир йўловчига катта эътибор қаратилиши, кўчаларнинг тозалиги ва хизмат даражасининг юқорилиги сафаримнинг илк таассуротларидан бири бўлди.

Сеул – юксак техник тараққиёт ва маданият шаҳри

Сеул шаҳрига етиб келгач, бу ердаги замонавий иншоотлар, тезюрар метро тизими, сарбаланд бинолар ва юксак технологиялар мени жуда қизиқтирди. Шаҳардаги ҳаёт тез суръатда кечади. Бироқ шунга қарамадан, тарихий ёдгорликлар, жумладан Гёнбокгун саройи ва Ханок қишлоғи орқали қадимий Корея руҳини ҳис этиш мумкин. Мен у ерда “Folk Village” сарой-музейида бўлдим. Корея тарихидан ҳикоя қилувчи ушбу маскан ҳақиқатдан ажойиб эди. Музейда корей тарихидаги одамлар яшаган уйлاردан тортиб, деҳқончилик ишлари ва уруш йилларидаги хотиралар ҳай-калчалар орқали, гуёки жонли тасвирлаб берилгандек эди. Шунингдек, бу мамлакатда машҳур тарихий фильмлар суратга олинган саройни томоша қилиш бахтига мушарраф бўлдим. Айнан, биз севиб томоша қилган машҳур Тангем, яъни “Сарой жаҳоҳири” фильми ҳам шу ерда суратга олинган экан. Бундан ташқари, “Chonpan” мустақиллик хотира музейи экспонатлари билан танишиш имкониятига эга ҳам эга бўлдим. Жанубий Корея тарихидан сўзловчи бу тарихий-маданий маскан ҳам

ўзига хослиги билан ажралиб туради. Музейда Корея тарихи акс этган, зиндонларда маҳбусларни сўроқ қилиш жараёнлари ўша даврдаги ҳолатда тасвирланган. Гуёки тергов бераётгандек у ерда ҳам расмга тушдим. Энг қувонарлиси, Суелдан 60 километр узоқликда жойлашган, кўплаб томошабинлар қалбидан жой олган икки ёшнинг фожеали муҳаббати ҳақидаги фильм – “Қиш сонатаси” суратга олинган “Nami” оролига борганим бўлди. Драма суратга олинган ушбу орол сайёҳлик марказига айлантирилган. 2001 йилда оролга 270 минг сайёҳ ташриф буюрган ҳолда, сериал намойиш этилгандан сўнг, яъни 2002 йилда бу кўрсаткич 650 мингга кўтарилган экан. Бу ерга сайёҳлар фильм қаҳрамонлари хотира-расига қўйилган ҳайкаллари томоша қилиш ҳамда хиёбонда сайр қилиш учун ташриф буюрадилар. Бу ерда фильмда ишлатилган ҳамма нарса, велосипеддан тортиб, севишган жуфтлик биргаликда ясаган қор болчаларгача хотира сифатида олиб қўйилган. Корейликлар ҳафтанинг бир кунини саёҳатларга бағишлар, оила аъзолари, фарзандларини тарихий ва кўн-гилочар жойларга айлантириб, дам олишар экан.

(Давоми 2-саҳифада)

Тошлоқда томорқачиликда “БИР КОНТУР – БИР МАҲСУЛОТ” САМАРАСИ

Айни пайтда Фарғона вилояти Тошлоқ туманида 30,7 мингдан ортиқ хонадонда томорқа мавжуд бўлиб, экин майдони 3 минг 248 гектарни ташкил этади.

ФАРҒОНА ВИЛОЯТИ

“Бир контур – бир маҳсулот” тамойили асосида тумандаги ҳар бир маҳалла муайян экин турига ихтисослаштирилган ва шу асосда иқтисодий драйверлар белгилаб олинган. Натижада томорқаларда турли кўкатлар, редиска, картошка, қарам, помидор, бодринг, пиёз, цитрус мевалари, қулпунай ва полиз маҳсулотлари етиштиришда салмоқли натижаларга эришилмоқда.

Сўнгги йилларда илғор агро-технологияларни жорий этиш ҳисобига мева-сабзавот маҳсу-лотлари ҳажми, сифати ва экспорт салоҳияти ортиб бормоқда. Жум-ладан, Найманбўстон маҳалласида истикомат қилувчи Нурали Соипов



хонадонидagi 7 сотихли иссиқ-хонада ҳар йили ўртача 750–800 минг туп қарам кўчати етиштири-либ, сотиш орқали 400 миллион сўмга яқин даромад олинади. Айни пайтда иссиқхонада 20 хил навга мансуб 300 мингдан ортиқ қарам

кўчатлари парваришланмоқда. Бу жараён бошоқли дон экинларидан бўшган ерларга такрорий экин экиш давригача давом этади ва иссиқхонада икки-уч марта ҳосил олиш имконини беради.

(Давоми 2-саҳифада)

Марказий Осиёда яшаган аجدодларимиз қадимдан ерни, тупроқни эъзозлаб, атроф- муҳит мусаффолигига алоҳида эътибор берганлар. Ерга ишлов бериш, суғориш тизими борасида ҳам катта тажриба тўплаб, деҳқончилик ва зироатчилик соҳаси ривожига ушбу тажрибадан фойдаланганлар. Ота-боболаримизнинг деҳқончилик ва зироатчиликни ривожлантириш борасидаги амалий фаолиятлари ва анъаналари халқимизнинг тарихий- адабий мероси “Авесто”да ҳам ўз ифодасини топган.

ЗИРОАТЧИЛИККА ЭЪТИБОР ТАРИХИЙ МЕРОСИМИЗДА ҚАНДАЙ АКС ЭТГАН?

Халқимизнинг кўп қиррали қишлоқ хўжалиги асрлар оша тўпланган анъанавий тажрибага таянади. Ўзбекистоннинг ҳозирги ҳудуди табиий-географик шароитига қараб учта қишлоқ хўжалиги зонасига бўлинади: тоғли ва тоғ олди (20,5%), суғорма ерлар (18,2%) ва қолгани бепоеён дашт-яйлов ерлардан иборат ҳудудлар. Аммо суғорма ерларнинг барчаси суғоришга яроқли эмас. Тоғ тизмалари ва қум уюмлари орасида, дарё соҳилларида жойлашган зироатчилик воҳалари Фарғона водийсида, Қашқадарё, Сурхондарё, Зарафшон ва Хоразм воҳала-рида қадимдан маълум.

(Давоми 2-саҳифада)



ХОРАЗМ ВИЛОЯТИ

ИЛМ НУРИ ИЛА КЕЛАЖАКНИ БУНЁД ЭТАЁТГАН УСТОЗ

Ўқитувчи бу қуёш. Унинг илм нури тушмаган, зиёси етиб бормаган маскан йўқ. Устоз томонидан берилган ҳар бир билим, ҳар бир тарбия уруғи йиллар ўтса-да, буюк келажакни барпо этишда мустақкам пойдевор бўлиб хизмат қилади.

Устозлик – шарафли ва масъулиятли касб. Бу йўлда босиб ўтилган ҳар бир қадам ҳикмат ва тажриба билан бойиб боради. Атрофимизда шундай фидоий устозлар борки, уларнинг ҳар бир дарси ўқиш услуби нафақат ўқувчиларга, балки бутун жамиятга ўрнак ва тарбия мактаби бўла олади.

Лавҳамиз қаҳрамони ана шундай фидоий, талабчан ва тиришқоқ устозлардан бири Дилноза Шариповадир.

Дилноза Шарипова 1975 йил 16 январда Шовот туманидаги Оққўл маҳалласида оддий ишчи оиласида таваллуд топган. Ўрта таълим мактабининг тамом-лағач, 1991-1994 йилларда Хива педагогика билим юртида таҳсил олиб, аъло баҳоларга битиради.


1994 йилда у Шовот туманидаги 42-умумий ўрта таълим мактабида жисмоний тарбия фани ўқитув-чиси сифатида ўзининг илк меҳнат фаолиятини бошлайди. Касбий маҳоратини ошириш йўлида изчил изланиб, 2003-2007 йилларда Урганч давлат университетининг бошланғич таълим йўналишини сиртқи таълим шаклида муваффақиятли тамом-лайди.

(Давоми 4-саҳифада)

Хуқуқий саводхонлик

Медиатив келишув нима?

Ҳозирги кунда иқтисодий низоларни ҳал этишда суддан ташқари муқобил усуллари ривожлантириш давлат ҳуқуқий сиёсатининг устувор йўналишларидан бири ҳисобланади. Шу нуқтаи назардан, медиация институти иқтисодий муносабатлар иштирокчилари ўртасида юзага келадиган низоларни тез, кам харажатли ва ўзаро келишув асосида ҳал этишнинг самарали воситаси сифатида алоҳида аҳамият касб этмоқда.



Гиёҳвандлик – инсон ва жамиятга зарар келтирувчи жиноят

Қадимги юнон файласуфи Фалес Милетлик таъкидлаган: бахтга соғлом танаси, қабул қилувчи руҳи ва тартиб-интизомга риоя қилиш орқали эришилади. Жаҳон соғлиқни сақлаш ташкилоти Низомида инсоннинг асосий ҳуқуқларидан бири сифатида соғлиқнинг энг юқори даражаси эканлиги таъкидлаб ўтилган. Инсон саломатлигини белгилайдиган ёки хавф солувчи омиллари бўлган, яъни уларнинг таъсири касалликнинг ривожланишига олиб келиши мумкин бўлган омиллар ҳақида маълумот олиш ҳуқуқидан маҳрум қилинмаслик керак. Инсон учун ташқи муҳит нафақат табиат, балки жамият ҳамдир. Ижтимоий хавф-хатарлар жамиятда кенг тарқалган ва инсонларнинг ҳаёти ва соғлиғига таҳдид соладиган хавфлардир.





САМАРҚАНД ВИЛОЯТИ

Пайарикда каналларни модернизация қилиш ишлари давом этмоқда

Пайарик туманида капитал қурилиш лойиҳалари ҳамда чет эл инвестиция маблағлари ҳисобидан амалга оширилаётган ирригация-мелиорация тадбирлари, шунингдек, эксплуатация ишларига бағишланган ўқув семинари ташкил этилди.



Семинар доирасида "Пай" каналда амалга оширилаётган бетонлаштириш ишлари юзасидан маълумот берилди. Жумладан, каналнинг ПК-35+00 дан ПК-183+00 гача бўлган қисмида қурилиш ишлари олиб борилмоқда. Самарқандсувқурилишнинг давлат муассасаси томонидан ПК-660 ва ПК-393 сонли қарорлар ижроси доирасида канални 14,8 км. масофада бетонлашти-

риш режалаштирилган бўлиб, айна вақтга қадар 10 км. қисмида ишлар бажарилгани таъкидланди.

Тадбир давомида сув ҳўжалиги соҳасида амалга оширилаётган инвестиция лойиҳалари, уларнинг ижроси ва самарадорлиги юзасидан атрофлича тушунтиришлар берилди.

Зарафшон ИТХБ матбуот хизмати



Тошлоқда томорқачиликда

"БИР КОНТУР – БИР МАҲСУЛОТ" САМАРАСИ

(Боши 1-саҳифада)

Хўжаариқ маҳалласида яшовчи Фарҳод Матқаримов замонавий иссиқхонада Жанубий Корея тажрибаси асосида йил давомида қўлланадиган етиштиришни йўлга қўйган. Шунингдек, хонадонда аччиқ қалампир, помидор, бодринг ва булғор қалампирни қўчатлари тайёрлаб, буюртма асосида туман аҳолисига етказиб берилмоқда. Оила аъзолари ҳар йили қўлланадиган етиштириш орқали 120-150 миллион сўм даромад топмоқда.

Арабозор маҳалласида ҳам деҳқончилик асосий иқтисодий йўналишлардан бири ҳисобланади. Ҳозирда маҳаллада 750 дан ортиқ хонадон томорқачилик иссиқхоналари турли сабзавот маҳсулотлари етиштирилмоқда. Илҳомжон Мадрозиевлар оиласи иссиқхонасида асосан лимон парваришланади. Шу билан бирга, ўтган йилдан томорқачилик бўш ер майдонида истиқболли лойиҳа сифатида беданачилик йўлга қўйилди. Ҳозирда япон зотиға мансуб 6 минг бедана парваришланиб, шундан 4,5



мингтаси кунлик тухум бермоқда. Бу фаолият орқали оила ойига ўртача 54-55 миллион сўм даромад олади.

Тошлоқ тумани камбағалликни қисқартириш ва бандликка кўмаклашиш бўлими мутахассислари жорий йил учун ҳар бир маҳалла кесимида ишлаб чиқилган микролойиҳалар ижросини таъминлаш мақсадида ҳоким ёрдамчилари билан ҳамкорликда амалий чора-тадбирларни изчил амалга оширмоқда. Шунингдек, илғор томорқачиларга имтиёзли банк кредитлари, субсидия ва сўда маблағлари ажратиш бўйича манзилли ишлар олиб берилмоқда.

Муқимжон ҚОДИРОВ (ЎЗА) олган суратлар.

(Боши 1-саҳифада)

Ўзбек халқи зироатчилик соҳасида бошқа Ўрта Осиёликлар сингари, энг қадимий аждодларидан ўтган суғориладиган ва лалмикор деҳқончиликни, кичик ва катта, оддий ва мураккаб суғориш иншоотлари ва тизимлари қуришни, дала-ларни суғоришнинг ҳар хил усуллари, агротехника сирларини яхши билганлар. Бойсун ва Қурама тоғ этақларида қадимдан жуда катта меҳнат ва ер шароитини чуқур билишни талаб қиладиган кориз зироатчилиги сақланиб келган. Бу ерда булоқ ва ҳавза деҳқончилиги ҳам маълум бўлган. Зарафшон водийси, Сирдарё, Амударё ва Қашқадарё соҳилларида неолит ва бронза даврларидан амал қилиниб келинган дарё сувлари кўпайганда сув босадиган қайир ва лиман ерлардаги зироатчилик то 30-йилларгача сақланган.

Ота-боболаримиз деҳқончилик ва зироатчилик ишларида маданий-этно анъаналар асосида далачилик, полизчилик ва боғдорчилик соҳаларида турли усул ва йўллари ишлаб чиққанлар. Илк зироатчилик даврларидаёқ улар ниҳоятда фойдали ўсимликларни, айниқса, донли ва полиз экинларини, ҳатто боғдорчиликни ўзлаштирганлар. Тадқиқотларга қараганда, Марказий Осиёликлар сўнги босқичдаги неолит ва энеолит даврларида бугдой, арпа, тарих ва бошқа донлар, ўрик, олма, нок каби меваларнинг айрим навларини хонақилиштирганлар.

Маълумки, зироатчилик ҳўжалигининг ривожини биринчи галда унинг техникавий жиҳозланиши ва агротехник билим даражасига боғлиқ. Ўзбек зироатчилиги ўтган аср арафасида нисбатан қолоқ моддий-техника базасига эга бўлган эди. Археологик маълумотларга қараганда, бу ерда зироатчилик қуролининг кўпчилиги, айниқса, ер ҳайдаш ва экин ўриш қуроллари минг йиллар давомида ўзгармай келган эди.

Қишлоқ ҳўжалигининг барча соҳаларида, айниқса, зироатчиликда энг муҳим меҳнат қуроллари омов, кетмон, бел ва ўроқ ҳисобланган. Ҳайдалган ерни текислаб, уруғни сепгач, устидан тупроқ тортиш учун мола ишлатилган.

Ўзбекистонда қадимдан энг кенг тарқалган қовлагич қурол кетмондир. Айниқса, Фарғона ва Зарафшон водийларида, Тошкент воҳасида ер ишларининг барча турларида кетмон ишлатилган. Далачилик ва полизчилик экинларини



Зироатчиликка эътибор тарихий меросимизда ҚАНДАЙ АКС ЭТГАН?

чоппиқ қилишда ва суғоришда, боғдорчилик ва узумчиликда, ерга ишлов бериш ва йўллари тузатишда, қурилиш ва бошқа ишларда кетмон асосий қурол бўлиб хизмат қилган.

Ерга ишлов бериш асосан, ерни бир неча марта омов билан ҳайдаш, мола босиш, сув ва ўғит беришдан иборат. Кўп асрлик тажриба натижасида маҳаллий деҳқонлар экинларни алмашлаб экиш йўлини кашф этганлар. Алмашлаб экиш нафақат ўсимликларнинг хусусиятини билишга, балки фаслга қараб тупроқнинг хусусияти, суғориш имкониятлари ва бошқа зироатчилик сирларини эгаллашга боғлиқ.

Зироатчиликда ҳосилдорликни оширишнинг муҳим тадбирларидан бири ерни ўғитлашдир. Барча ерларда кўпчилик экинларга асосан соф гўнг ишлатилган. Шолликор ерлар шוליпоя билан ўғитланган.

Ўзбекистонда зироатчиликнинг йирик соҳаларидан бири ғаллачилик ҳисобланган. Бу соҳадаги бош экин бугдойдир, кейин макка ва оқ жўхори, арпа, шולי, сули, тарих, мош, ловия ва ҳоказолардир. 1915 йилда Туркистон ўлкасидаги экин экиладиган ерларнинг ярмидан кўпи, Бухоро амирлиги ва Хива хонлигидаги ерларнинг 2/3 қисми бугдой билан банд бўлган. Асосан уч хил бугдой турлари экилган. Бугдой турларидан "оқ бугдой", "қора бугдой", "лайлак бугдой", "туя тиши", тоғли туманларда совуққа

чидамли "чивит" тарқалган. Шунингдек, ота-боболаримиз жўхори, мош ва ловия ҳам экинлар.

Аждодларимизнинг бебаҳо тарихий мероси "Авесто"да деҳқонлар ва уларнинг меҳнатини қадрлаш борасидаги мулоҳазаларда моддий неъматларнинг яратилиши оқибатида етадиган савоб, жамоани иқтисодий томондан таъминлашнинг аҳамияти хусусидаги фикрлар она замин, юрт таърифи билан қоришиб кетади. Зардуштининг Ахура Мазда билан савол-жавобларида "қайси ер энг яхши замин", "қайси юрт халқи энг бахтиёр одамлар ҳисобланади", деган саволлар кўп учрайди. Ана шундай саволларнинг биринчи Ахура Мазда шундай жавоб беради: "Муъбад ўз барсами (хуш ҳид тарқатадиган хивчинлар дастаси) билан халққа диний аҳкомларни эркин тушунириб юрадиган, диндор уй-жой қуриб, боғ барпо этиб, мол-ҳол қилиб, хотин, бола-чақаси билан бемалол яшайдиган, одамлар ерга бемалол ишлов бериб, экин экиб, суғора оладиган; чорвачиликни ривожлантиришга имконияти бўлган ва моллар яхши насл қолдира оладиган ер энг яхши ер, бахтли юрtdир".

Зироатчиликда энг кўп эътибор ва меҳнат талаб қиладиган экин шолдидир. Халқимизнинг сеvimли маҳсулоти ҳисобланган гуруч (шולי)ни экиб, парвариш қилишда жуда кўп сув талаб қилинади. Унинг ҳам бир неча турлари мавжуд: "оқ шולי", "қизил шולי", "арпа шולי",

"дезира". Шולי уруғи махсус уват (хоразмда чел) билан бўлган кўччаларга кўл билан сепилиб, баъзан қўл қилиб экилиб, бир неча кунлаб сувда сақланган, кейин жиддий равишда ўтов қилиб курмак ва қамишлардан тозаланган. Шолнинг эртапишар турлари 15-17, кўпчилиги асосан 17-18 ҳафтада пишиб етилган. Халқ орасида тарқалган "Саксонда савоқда, тўқсонда товоқда", деган ибора шוליға тегишлидир. Уни парвариш қилиш учун катта маҳорат талаб қилинган, чунки ўз вақтида сув бериб, ўтов қилиб турилмаса ҳосил бўлмайди.

Шолни ҳам махсус сув билан ҳаракатга келтириладиган обжувозда янчганлар. Хоразмда "дахма" (жувоз) хайвон кучида ишлаган. Барча деҳқон ҳўжаликлариде шולי ва бошқа донларни янчадиган сўқи (кели) бўлган.

Маҳаллий ҳўжаликларда қадимдан дуккакли экинлар ҳам муҳим аҳамиятга эга бўлган. Айниқса, мош кенг тарқалган. Нўхат ва ловия ҳам халқ орасида севиб истеъмол қилинган.

Деҳқончилик ва зироатчиликда фенология билимлар муҳим аҳамиятга эга. Илмий метрология ва астрономиядан беҳабар деҳқон асрлар давомида табиатни кузатиш натижасида оддий астрономия билимлари асосида халқ календарини ишлаб чиққан. Қишлоқ ҳўжалигида зарур бўлган календарь 90 кундан иборат бўлиб ҳар фасл 90 кунга бўлинган: баҳорги тўқсон (ҳамал, савр, жавзо), ёзги тўқсон (саратон, асад, сунбула), кузги тўқсон (мезон, ақраб, қавс) ва қишки тўқсон (жадий, даль, хут). Ёзги жазирама иссиқ ва қишки совуқ даврлар катта ва кичик чиллага бўлинган. Баҳорнинг келиши ҳамалдан, жанубий туманларда ҳутдан бошланган. Баҳор ойининг кутилиши, яъни деҳқончилик ишларининг бошланиши асли юлдузларга, илк қушларнинг учиб келиши ва бошқа фенология кузатишларга қараб белгиланган.

Аждодларимизнинг бой тарихий меросида мадх этилган деҳқончилик ва зироатчилик соҳасидаги ибратли ғоялар бутунги кунда мамлакатимизда аграр соҳада амалга оширилаётган ислохотлар самарадорлигини ошириш ҳамда ёшларда деҳқончилик маданиятини шакллантиришда муҳим ўрин тутаяди, деб ўйлаймиз.

Муқаддас АБДУРАЙИМОВА,
ТошДАН Ижтимоий-гуманитар
фанлар кафедраси доцентиди.

900 ДАН ЗИЁД МАҚАЛЛАДА КИЧИК ҚУЁШ ЭЛЕКТР СТАНЦИЯЛАРИ БАРПО ЭТИЛАДИ

Юртимизда камбағал оилаларга давлат томонидан кўрсатиладиган ижтимоий қўллаб-қувватлаш чоралари қўлама кенгайиб, манзилли ва самарадор фаолият орқали даромадга эришишлариға кўмаклашилмоқда.

Ўзбекистон Республикаси Президентининг 2026 йил 5 февралда "2026 йилда ҳудудларни янгиға ёндашувлар асосида ривожлантириш орқали аҳоли даромадини ошириш, барқарор иш ўринларини яратиш ҳамда камбағалликни қисқартириш чора-тадбирлари тўғрисида"ги қарори қабул қилинди. Ҳужжатда камбағал оилаларни барқарор даромад билан таъминлаш мақсад қилинган.

Жумладан, мазкур қарор ижроси доирасида камбағаллик даражаси юқори бўлган 903 та маҳаллада кичик қуёш электр станцияларини барпо этиш белгиланди.

Давлатимиз раҳбари томонидан жорий йил 9 февраль кунини айни йўналишда қарор қабул қилинди.

Камбағал оилаларни барқарор даромад билан таъминлаш мақсадлари назарда тутилган "Оғир" маҳаллаларда кичик қуёш электр станцияларини барпо этиш орқали камбағал оилаларни қўллаб-қувватлашнинг қўшимча чора-тадбирлари тўғрисида"ги мазкур қарорда, Энергетика вазирлиги Энергия самарадорлиги миллий агентлиги билан биргаликда "оғир" маҳаллаларда даромад келтирадиган актив сифатида 300-500 кВт соат қувватдаги кичик қуёш электр станцияларини ишга туширади. Лойиҳани молиялаштириш учун Тикланиш ва тараққиёт жамғармаси томонидан 110 миллион АҚШ доллари миқдориде маблағ ажратилиши белгиланди.

Қорақалпоғистон Республикаси Вазирлар Кенгаши ва вилоятлар ҳокимликлари бир ой муддатда камбағаллик даражаси юқори бўлган маҳаллаларда кичик қуёш электр станцияларини қуриш учун зарур бўлган ер участкаларини доимий фойдаланиш ҳўқуқи асосида Энергетика вазирлигиға белгиланган тартибда ажратади.

Бунда ер участкаларини ажратиш билан боғлиқ материалларни ишлаб чиқиш ва экология экспертиза хулосаларини тақдим этиш Кадастр агентлиги ва Экология ва иқлим ўзгартиш миллий қўмитаси томонидан бепул тарзда амалга оширилади.

Шунингдек, 2026 йил якуниға қадар маҳаллаларда кичик қуёш электр станциялари барпо этилади ва бу бўйича амалга оширилган ишларни Энергетика вазирлиги Иқтисодиёт ва молия вазирлиги билан биргаликда қайта ҳисоб-китоб қилиб, талаб этиладиган қўшимча маблағлар бўйича тақлифлар киритади.

ЎЗА



ЖАНУБИЙ КОРЕЯДАН БИР ОЛАМ

ТААССУРОТЛАР БИЛАН

(Боши 1-саҳифада)

Уларнинг ана шундай урф-одатлари менға жуда ёқди. Бундан ташқари, сафарим давомида Сеул шаҳридаги "Namsan Tower" га саёҳатимиз ҳам таассуротларға бой ва мароқли ўтди. У ерга ташриф буюрган Корея фуқароси ёки сайёҳ қулф сотиб олиб, унга тилак ёки исмларини ёзиб, хотира сифатида қулфлаб кетишаркан. Айнан шу шаҳардаги яна бир муҳташам бино 123 қаватли бўлиб, "Lotte World" деб аталади. Ердан 490 метр баландликка кўтарилган ушбу биноға экранли лифтада чиқишади. Булуллар билан уйғунлашиб кетган энг юқори қаватда бўлиш ўта ҳайратли. Айниқса, пол қисмининг махсус шишадан қурилганлиги у ердан одамлар пастга қараганда ердаги жисмларнинг жуда майда кўриниши қалбларда завқ ила кўркув ҳиссини пайдо қилади. Беихтиёр, қичқариб юборади, киши.

Саёҳатим тўғрисида кўп гапиришим мумкин. Масалан, Сеул шаҳридаги улкан аквариум ранг-баранг баликлари, пингвинчалар, саккизоёқ, акула ва тимсоҳлари билан ташриф буюрувчиларға ўзгача кайфият бағишлайди. Жуда катта хайвонот боғи ва ундаги манзаралар, хилма-хил хайвонларни томоша қилган ҳар бир одам ўтказган кунини ушбу ҳаётдан мамнун бўлади. "Kangning" денгизи. Кореянинг машҳур денгизи манзаралари жуда чиройли бўлиб, у ерга борган инсоннинг руҳи ором

олади. Денгизда кема шаклида қурилган кўп қаватли, муҳташам меҳмонхона бор. Меҳмонхона орқали ўзгача дизайнда безатилган, бетакор ресторанға бориш мумкин. Бу ресторан ҳам денгиз ичида қурилган бўлиб, бемалол денгизнинг мовий сувлари ва баликлари ёнида маза қилиб овқатланишингиз мумкин.

Корейслар – самимий ва меҳмондўст миллат

Жанубий Корейликларнинг жуда самимий, хушмуомала ва меҳмондўст эканликлари сезилади. Ҳар доим ёрдам беришға тайёр, меҳмонға хурмат билан муносабатда бўлишади. Бу эса сафаримни янада ёқимли қилди. Уларда нафақат муомала маданияти юқори, балки кўча-кўйда юриш маданияти ҳам. Масалан, йўлни кесиб ўтиш учун кўча бўм-бўш бўлса ҳам, светофорнинг яшил чиройи ёнмагунча ҳеч ким юрмайди. Ҳатто, уйлариға почта келса, ҳафталаб эшик олдида қолса ҳам бирор кимса олмайдди. Кўчаға чиқиб бекатда автобус кутсангиз, киш фаслида бекатдаги скамейкалар иссиқ ҳолатда бўлади. Уларда экранли табло ўрнатилган бўлиб, ҳар дақиқада кутилаётган автобусларнинг келиш вақтини кўрсатиб туради.

Таъм ва маданият – корейс ошхонаси

Корейс таомлари менға жуда ёқди. Кимчи, бибимбап, булгоги,

рамён каби миллий таомлар ўзгача мазаси ва кўриниши билан ёдда қолади. Шунингдек, уларда овқатланиш маданияти жуда юқори – тозалик ва эҳтиром ҳар бир нарсанда сезилиб туради. Уларнинг дастурхонида ҳамма вақт пиширилган гуруч, қарам ва оқ турпдан аччиқ қилиб тайёрланган салатлар бўлади. Ошхоналарига овқатланиш учун борсангиз, дастурхонингизни турли салатлар билан тўлдириб ташлашади. Лекин, улар учун пул олишмайди.

Менға ёққан жиҳати шу бўлдики, Корейс ошхоналарида миқозлар ўтирадиган стол ўртасида бежирим газ пелли қўйилган бўлиб, сиз буюртма қилган истаган таомингизни ўша ерда пишириб, истеъмол қиласиз. Мен у ерда Сеул, Инчон ва Ансонг шаҳарларидаги машҳур ошхоналарида бўлиб, мазали, бетакор таъмага эга овқатлардан истеъмол қилдим.

Шундай қилиб, Жанубий Кореяға қилган саёҳатимдан хулоса чиқарадиган бўлсам, у жуда катта таассуротлар ва сабоқларға бой бўлди. Бу ердаги тартиб-интизом, покизалик, замонавий технологиялар ва халқнинг одобу ахлоқи менға жуда ёқди. Сафарим давомида маданиятлар фарқиға қарамай, инсонлар ўртасидаги ҳамжиҳатлик ва ўзаро хурмат муҳим эканини яна бир бор англадим. Бу сафаримнинг дунёқарашимни кенгайттирди, янги билим ва тажрибаларға эга бўлишимға ёрдам берди.

Маърифат ШАРИПОВА

АМИР ТЕМУР

САМАРҚАНД УЧУН ҚАЙСИ БУЮК ШАҲАРЛАРНИ "ҚИШЛОҚҚА АЙЛАНТИРГАН"?

Амир Темур Самарқанд атрофида бир-бирдан гўзал – Дамашқ, Миср, Бағдод, Султония ва Шероз каби қишлоқлар барпо этди. Бу қурилишлар тагида катта стратегик мақсадлар мавжуд эди.



Ҳозирда Сурия Республикасининг пойтахти бўлган, беш минг йиллик тарихга эга Дамашқ, инсоният тамаддунининг илк маконларидан бири ҳисобланган Миср, Ироқ Республикасининг пойтахти Бағдод, бугунги Эрон ҳудудидаги Султония ва Шероз шаҳарлари Сохибқирон ҳукмронлик қилган даврда ҳам дунёнинг энг нуфузли шаҳарларидан эди. Сохибқирон айнан мамлакат пойтахти Самарқанд атрофида шундай гўзал қишлоқлар қуриб, уларга нисбатан Самарқанд шаҳрининг тутган мавқеи қандайлигини яна бир бор кўрсатди. Амир Темурнинг фикрича, Самарқанд катталлиги, гўзаллиги ҳамда теварак атрофининг ободлиги жиҳатидан дунёнинг энг йирик шаҳарларидан ҳам устун туриши лозим эди. Шунинг учун Самарқанд шаҳар, қолганлари эса унинг атрофидаги қишлоқларга айланди.

Амир Темур томонидан Самарқанд яқинида бунёд этилган Дамашқ қишлоғи манбаларда Димишқ, Димашқ номлари билан тилга олинади. XIV аср охирида асос солинган мазкур қишлоқнинг ўрни ҳозирги Самарқанд вилоятининг Пастдарғом тумани ҳудудида бўлган. Дамашқ қишлоғида Темур сўфий шайхлар учун хонақоҳ қурдирган. Манбаларнинг маълумот беришича, 1392 йилда Сохибқироннинг хотинлари

шу қишлоқда тўхтаб ўтган. Суриянинг Дамашқ шаҳрида туғилган араб тарихчиси Ибн Арабшоҳ (1388-1450) ўзининг "Темур тарихида тақдир ажойиботлари" номи асариде Самарқанд атрофидаги Дамашқ ва Шарқ шаҳарлари номлари билан аталган бошқа қишлоқлар ҳақида хикоя қилади. Ибн Арабшоҳ шундай ёзади: "Мен Ғарб томондан Темур бино қилган ва Самарқанд деворларининг ҳақида Димашқ, деб аталган бир қасабани кўрдим. Ушбу қасабанинг масофаси Самарқанддан тахминан ярим кунлик (йўл)дир". Дамашқ қишлоғи тарихи Темурнинг невараси Улугбек (1394-1449) номи билан ҳам боғлиқ, 1449 йилнинг кузида бу ерда Улугбек ва унинг ўғли Абдуллатиф ўртасида бўлиб ўтган жанг отанинг ўғилга мағлубияти билан тугайди. Енгилган ҳукмдор ўз пойтахти Самарқанд томон йўл олади. Бирок Самарқандда ҳоким этиб қолдирилган Мироншоҳ қавчин хиёнат йўлига ўтади. Улугбекни шаҳарга киритмай, дарвозаларни беркитиб қўйишга буйруқ беради.

Самарқанд жанубидаги Миср қишлоғи ҳам Темур бунёд этган обод манзиллардан бири. Тарихчи Ибн Арабшоҳнинг гувоҳлик беришича, Миср қишлоғи Сохибқирон томонидан Қоҳира (Миср) шаҳри шарофига шундай номланган. Миср қишлоғи

яқинида Темурнинг "Давлатобод" номи боғи жойлашган. 1404 йилда Сохибқироннинг Самарқанддаги саройига йўл олган испан элчиси Руи Гонзалес де Клавихо шу қишлоқдан ўтган. Миср қишлоғига тугаш бу боғда тўхтаган испанлар бир неча кун қишлоқ ва боғни кузатиш имконига эга бўлганлар. Улугбек расадхонаси ўрнини аниқлаган ва бу ерда қазима ишларини олиб борган археолог Василий Вяткин (1869-1932) изланишларидан Миср қишлоғи Самарқанд шаҳридан жанубда, Дарғом каналнинг чап қирғоғи яқинида, Аббос ва Қораунас этагида ястаниб ётган тўғри тўртбурчак шаклидаги катта қадимги манзил ўрни сифатида мавжуд бўлганини билмаз.

Темурийзодалар тақдирдаги Шероз қишлоғи ҳам Самарқанд шаҳри чеккасидаги Сохибқирон бунёдкорлиги махсули. Ушбу қишлоқнинг қадимги ўрни ҳозирги Самарқанд вилоятининг Булунгур тумани ҳудудида бўлган. У ҳам Темур томонидан XIV аср охирида бунёд эттирилган. Амир Темур вафотидан сўнг, Сохибқирон қолдирган валиҳдани тан олмасдан, Темур тахтини эгаллашга киришган Халил Султон 1405 йилнинг мартада пойтахт Самарқанд томон йўл олади. Шероз қишлоғи яқинида етиб қолганида аъёнлар Сохибқирон

васиятини бузиб, уни иззат-икром билан кутиб оладилар ва Зарафшон бўйида амир Аргуншоҳ унга шаҳар калити билан Темур хазиналарининг калитларини ҳам топширади. Тарихнинг гардиши билан султон тахтининг қўлдан кетиши ҳам айни шу қишлоқ номи билан боғлиқ.

Сохибқирон саркардаларидан бири, Халил Султоннинг отабеги (мураббийи) Амир Худойдод Хусайний Хўжанд сувидан ўтиб, 1409 йил 30 марта Шероз қишлоғида Халил Султон билан жанг қилади. Темурнинг неварасини енгади ва уни асирликка олади. Шундан сунг у Самарқандни забт этади. Мирзо Халил номидан ҳукмлар битиб, эълон қила бошлайди ва Мовароуннахрни эгаллаб олади. Бундан ташқари, 1451 йил 10 июнда Шероз қишлоғи яқинида темурийи Абу Саид ва Мовароуннахр тахтига ўтирган темурийзода Мирзо Абдулла ўртасида жанг бўлади. Мирзо Абдулла мағлуб этилиб, Абу Саид буйруғига қўра ўлдирилади. Шундай қилиб, Шероз қишлоғи яқинидаги жанг натижасида Абу Саиднинг 1451-1489 йиллардаги ҳукмронлиги бошланади.

Гулинор АЛЛАЁРОВА,
Сурхондарё вилояти Жарқўрғон туманидаги 2-сон техникуми тарих фани ўқитувчиси.

Тотув турмуш сирлари

Баъзан гувоҳ бўламлики, аввал-бошда ўз ихтиёри билан, қўриб-билиб, ёқтириб турмуш қурган, бир неча йил бинойидек яшаган эркак бугунга келиб, "Аёлим менга ёқмай қолди, уни ёмон қўраман", дея ажрашишни истайди. Нега бундай бўлди, деб ўйлайсиз? Нега уйланаётганида шу қиз-аёлни умр йўлдоши сифатида тасаввур қилолган, бир неча йиллар чиройли яшаган, фарзандлар дунёга келган-у, бугун эр аёли билан бирга яшашни истамай қоляпти?

"ҚИЙШИҚ ҚОВУРҒА"НГИЗНИ ТЎҒИРЛАШГА УРИНМАН!

Тан олишимиз керакки, аёлларнинг ҳар тарафлама мукамал бўлишлари жуда мушкул. Ҳар бирининг ўзига яраша феъл, инжиқлиги, нозик тарафлари бор. Заифлик, беқарорлик, хато қилишлик ҳам уларга хос эканини унутмаслик керак. Бир аёлнинг хусни гўзал бўлса, иккинчисининг ахлоқи чиройли, учинчисининг ахлоқи ўртача-ю, аммо пазанда, рўзгор ишларига уқуви баланд бўлиши мумкин. Мана шуларни ўйламай, баъзи эркаклар аёлининг бир-икки камчиликларини, хатоларини бўрттириб, унга зулм қилишгача боришади. Динимиз бунга таъқиқлайди. "Набий соллалоху алайҳи васаллам айтдиларки: "Мўмин мўминнага (эр хотинига) ғазаб қилмасин, агар унинг бир хулқини ёқтирмаса, бошқасини ёқтиради" (Имом Муслим ривояти).

Зотан, аёл унга омонат қилиб берилган. Оила қурилими, эркак уни асраши, аёли билан муносабатда эҳтиёткор бўлиши, мурося йўлини танлаши мақсадга мувофиқ. Муқаддас китобларимизда айтилишича, қиёматда эркаклар бировнинг ҳаққига эга чиққан, ғийбат қилган, зулм қилган инсонлар ҳаққини сўраб қелишигидан қўрқиб, хавотирланиб, атрофига қараб турган бир вақтда ёнида бир киши: "бу ёққа қаранг", дейди. Қараса, хотини даъвогар бўлиб туради. Уша пайтда аёл уни кечирмайди, ўтинчларига парво қилмайди ва ҳаққини мукамал қилиб, савоблардан қилган зулми миқдорича тўлдириб олади...

Биз зулм деганда, кўчадаги зўравонликларни кўз олдимизга келтираемиз. Аниқроғи, эркак қўшчада бир кишига зулм қилса, билади. Лекин хотинига қилаётган зулмлари унинг ўзига сезилмайди. Аксарият эркаклар, хотининг қандай муомала қилсам ҳам чидаши керак, деб ўйлайди. Унинг ундан рози бўлиб-бўлмалигини уни ўйлантирмайди ҳам. Аммо охирадда, ҳисоб-китоб кунинда

рафиқаси унда қолган заррача ҳаққидан воз кечмайди.

Аёл – ширин сўз, эътибор, меҳр-муҳаббатга муҳтож ва бунга лойиқ. Уларни сидқидилдан қилган юмушлари учун мақташ, рағбатлантириш, кўнглига қараш унутмаслик керак. Бир аёлнинг ҳаққини қилиш мумкин, балки оила мустаҳкамлигини ҳам таъминлаш мумкин. Ҳар қандай фикрни аёлга босиқлик билан, мулоқимлик билан тушунтириш мумкин. Тўғри, аёлнинг тушуниши осон бўлмаслиги мумкин. Турфа феълли аёллар бор. Аёлларнинг унга зулм қилишгача боришади. Динимиз муҳокама-мунозара қилишдан қўра, уларга яхшилик йўли билан тарбия-таълим бермоқ афзал. Эркак сабрли бўлса, ҳаммасини удаллаш мумкин. Аёл ҳам вақти келиб тушунади, эрининг меҳри, муҳаббатининг қадрини хис этади.

Шу ўринда бир эркакнинг сўзини келтириб ўтгим келди. У яхшигина обур-эътиборга эга инсон эди, мол-давлати ҳам ўзига етарли. Бир кун уни йўқлаб бориб, дарвозаси олдида туриб, ичкарида аёл кишининг бақир-чақирини эшитдим. Уйдан узоқлашдим. Кейинчалик унга бир дўстимиз шундай бадфеъл аёл билан яшашга мажбурмисан, ажраш, бошқасига қарай, дея маслаҳат берди. Аммо у кишининг жавоби барчани ҳайратлантирди. "Аёл эркак учун ё жаннат, ё жаҳаннамдир. Мен унга тоқат қилишим мумкин, лекин бошқаси чидай олмаслиги, унга зарар бериши мумкин. Шу маънода аёлим – менинг жаннатим", деди у...

Қанийди, ҳамма эркаклар шу дўстимиз каби кенг қалбли, бардошли, мулоҳазали, тоқатли бўлса! Оилалар арзимас сабаблар билан пароканда бўлмаган, гўлдек фарзандлар тирик етим бўлмаган бўларди...

Яхёҳон БАДРИДДИНОВ,
Норин туманидаги "Бадриддин ҳожии" жомеъ масжиди имом-хатиби.

Эълонлар

БАРЧА ҚУРИЛИШ ТАШКИЛОТЛАРИ ДИҚҚАТИГА!

Муассаса шаклидаги "Бинафша", "Обихаёт", "Меҳржон", "Нанай", "Заркент", "Норин" ҳамда "Соҳил" болалар соғломлаштириш оромгоҳлари буюртмачилигидаги кўйидаги объектларга бош пудратчини аниқлаш учун ўтказилаётган танлашларга иштирокчиларни тақлиф этади:

1. Объект номи: "Наманган вилояти Поп тумани, Боён МФЙ, Боён 1 кўчаси, 423-уйдаги "Бинафша" болалар соғломлаштириш оромгоҳини жорий таъмирлаш".

Объектнинг бошланғич нархи, ҚҚС билан – **120 000 000 сўм.**

2. Объект номи: "Наманган вилояти Чуст тумани, Оғасарой МФЙ, Мустақиллик кўчаси, 9-уйдаги "Обихаёт" болалар соғломлаштириш оромгоҳини жорий таъмирлаш".

Объектнинг бошланғич нархи, ҚҚС билан – **220 000 000 сўм.**

3. Объект номи: "Наманган вилояти Чуст тумани, Юқори МФЙ, Мустақиллик кўчаси, 63-уйда жойлашган "Меҳржон" болалар соғломлаштириш оромгоҳини жорий таъмирлаш".

Объектнинг бошланғич нархи, ҚҚС билан – **120 000 000 сўм.**

4. Объект номи: "Наманган вилояти Янгиқўрғон тумани, Олмазор МФЙ, Муборак кўчаси, 37-уйда жойлашган "Нанай" болалар соғломлаштириш оромгоҳини жорий таъмирлаш".

Объектнинг бошланғич нархи, ҚҚС билан – **250 000 000 сўм.**

5. Объект номи: "Наманган вилояти Янгиқўрғон тумани, Ғазнон МФЙ, Ғазнон кўчаси, 260-уйда жойлашган "Заркент" болалар соғломлаштириш оромгоҳини жорий таъмирлаш".

Объектнинг бошланғич нархи, ҚҚС билан – **120 000 000 сўм.**

6. Объект номи: "Наманган вилояти Норин тумани, Яшик МФЙ, Мустақиллик кўчаси, 38-уйда жойлашган "Норин" болалар соғломлаштириш оромгоҳини жорий таъмирлаш".

Объектнинг бошланғич нархи, ҚҚС билан – **160 000 000 сўм.**

7. Объект номи: "Наманган вилояти Косонсой тумани, Олмазор МФЙ, Нуроний кўчаси, 41-уйда жойлашган "Соҳил" болалар соғломлаштириш оромгоҳини жорий таъмирлаш".

Объектнинг бошланғич нархи, ҚҚС билан – **160 000 000 сўм.**

Объектнинг бошланғич нархлари, мазкур объектга ишлаб чиқилган лойиҳа-смета ҳужжатларига экспертиза хулосаси олингандан сўнг ўзгарди. Ишларни тугаллаш муддати – **30 кун.**

Харид тури – **очиқ танлаш.**

Танлаш иштирокчиларига кўйидаги талаблар қўйилади:

- доимий ходимлари, жумладан, муҳандис-техник ходимларига эга бўлиши;
- ишлаб турган асосий воситалари, шу жумладан, ишлаб чиқариш базаси, машина ва механизмлар, кичик механизация воситаларига эга бўлиши;
- ўз айланма маблағлари билан таъминланганлиги (кўрсаткич 0,2 коэффициентдан кам бўлмаган) ва тўловга қодирлиги (кўрсаткич 1,25 коэффициентдан кам бўлмаган);
- ўхшаш объектларда ишлаганлик тажрибаси мавжудлиги;
- бажарилган ишлар, шу жумладан, ўз кучи билан олдин бажарилган ишлар ҳажми ҳақидаги маълумотларни тақдим этиши.

Кўйидаги иштирокчиларга танлашда иштирок этишга рухсат берилмайди:

- қайта ташкил этилиш (бўлиниш, қўшилиш), тугатиш ёки банкротлик арафасида турганлар;
- мол-мулки мусодарага олинганлар ҳамда муассислик келишув, молиявий иштирок, холдинг ва бошқа шаклда ифодаланган бевосита ташкилий-ҳуқуқий ёки бир-бирига молиявий қарамлиги мавжудлар.

Танлашда иштирок этиш ниятида бўлган талабгорлар, буюртмачилар – Муассаса шаклидаги "Бинафша", "Обихаёт", "Меҳржон", "Нанай", "Заркент", "Норин" ҳамда "Соҳил" болалар соғломлаштириш оромгоҳларига расмий равишда кўйида кўрсатилган телефон рақамлари орқали мурожаат этишлари мумкин:

Мурожаат учун телефон "Бинафша" бўйича:

+998 99 111-68-03.

Мурожаат учун телефон "Обихаёт" бўйича:

+998 99 935-59-95.

Мурожаат учун телефон "Меҳржон" бўйича:

+998 99 301-89-17.

Мурожаат учун телефон "Нанай" бўйича:

+998 93 239-12-34.

Мурожаат учун телефон "Заркент" бўйича:

+998 94 302-00-52.

Мурожаат учун телефон "Норин" бўйича:

+998 95 429-51-57.

Мурожаат учун телефон "Соҳил" бўйича:

+998 94 905-83-30.

Буюртмачи томонидан объектнинг бошланғич нархи аниқлик киритилганидан сўнг, танлашда иштирок этиш ниятида бўлган талабгорларнинг рўйхати шакллантирилади ва ушбу рўйхат танлаш ташкилотчисига тақдим этилади.

Буюртмачи томонидан танлаш ташкилотчисига тақдим этилган танлаш талабгорлари рўйхатига асосан, ташкилотчи талабгорларга танлашда иштирок этиш учун тақлифномалар жўнатади.

Талабгор томонидан белгиланган тартибда танлаш бўйича харид қилиш ҳужжатларини олиш тўғрисида буюртманомо ташкилотчига топширилган ва тўлов қилинган кундан 2 кун ичида электрон кўринишда бериледи.

Тақлифларни топшириш иштирокчининг танлаш бўйича харид қилиш ҳужжатларига қўйилган талабларни ўргангани ва унда кўрсатилган ишларни бажариш, ишларнинг физик ҳажмлари, материал ва конструкциялар ҳажмлари ҳамда бошқа шартларга нисбатан лойиҳани тугаллашга таъсир этиши мумкин бўлган саволлар йўқлигига далолат ҳисобланади.

Тақлифларни очиш, ташкилотчи томонидан талабгорларга танлашда иштирок этишга тақлифнома жўнатишдан кўндал бошлаб, камида беш иш кунидан сўнг ўтказилади.



Илм нури ила келажакни бунёд этаётган устоз

(боши 1-саҳифада)

Дилноза Шарипова бугунги кунда ҳам ўз устида тинимсиз ишлашда давом этиб, ўқувчиларнинг бўш вақтини мазмунли ташкил этиш йўлида фидоийлик билан меҳнат қилиб келмоқда. У ҳар бир ўқувчига алоҳида эътибор қаратиб, истеъдодларини юзага чиқаришга қўмақлашади.

Айниқса, ўқувчиларнинг ижодкорлик салоҳиятини қўллаб-қувватлаши, уларни мустақил фикрлашга ундаши билан ажралиб туради. Унинг шоғирдлари орасида бугун жамиятда ўз ўрнини топган,

юрт равнақи ва Ватан тараққиёти йўлида хизмат қилаётган ёшлар талайгина.

– Кўплаб шоғирдларининг китоблари чоп этилган, улар бугун жамиятда ўз ўрнини топиб, юртимиз тараққиётига ҳисса қўшиб келишмоқда. Ҳар бир соҳада ўқувчиларим фаол бўлиб ишлаб келмоқдалар. Бу менинг энг катта бахтим, – дейди устоз Дилноза Шарипова.

Дарҳақиқат, бундай фидоий устозлар бор экан, келажакимиз порлоқ, эртаимиз мустаҳкам пойдевор устига қурилиши шубҳасиз.

Асадбек ЮСУФ

01-01/3372 рақами билан 1993 йил 8 февралда Кулябина Анна Ивановна номига берилган хонадонга эғалик ҳуқуқини берувчи Давлат ордери йўқолганлиги муносабати билан ҳақиқий эмас, деб ҳисобланади.

04-01/4487 рақами билан 1993 йил 15 январда Ананьева Полина Александровна номига берилган хонадонга эғалик ҳуқуқини берувчи Давлат ордери йўқолганлиги муносабати билан ҳақиқий эмас, деб ҳисобланади.

05-02/1544 рақами билан 1993 йил 7 январда Садыкова Гавхар Султановна номига берилган хонадонга эғалик ҳуқуқини берувчи Давлат ордери йўқолганлиги муносабати билан ҳақиқий эмас, деб ҳисобланади.

"MEGA TRANS-PRESTIJ" MCHJ корхонасига тегишли 349эм-сонли 1997 йил 17 июнда берилган мулкый ҳуқуқни тасдиқловчи Давлат ордери йўқолганлиги сабабли ҳақиқий эмас, деб ҳисобланади.

Qishloq hayoti

MUASSISLAR:

O'zbekiston Respublikasi Vazirlar Mahkamasi kompleks tarkibidagi hamda boshqa daxldor vazirlik va idoralar.

Bosh muharrir:
Chori LATIPOV

Tahrir hay'ati:

Ibrohim ABDURAHMONOV,
Shavkat Hamroyev, NARZULLO OBLOMURODOV,
Eshmirza ABDUALIMOV, Habib TEMIROV,
Raimqul SUYAROV (bosh muharrir o'rinbosari).

O'zbekiston Matbuot va axborot agentligi tomonidan 2009 yil 13 fevralda № 0020-raqam bilan ro'yxatdan o'tkazilgan.

Hajmi 2 bosma taboq. Ofset usulida bosildi, qog'oz bichimi A-2. Nashr indeksi – 144.
Buyurtma G-217. 1910 nusxada chop etildi.
Gazeta tahririyat kompyuter markazida terildi va sahifalandi.
Sahifalovchi-dizayner: Mapk YUSUPOV.

Tahririyat manzili:

Toshkent viloyati Qibray tumani, Universitet ko'chasi, 2-uy.
Telefonlar: +998 77-080-43-70, +998 99-050-69-45.
Reklama va e'lonlar – (998 90) 317-19-16.
E-mail: infoqishloqhayoti@mail.ru Bahosi kelishilgan narxda.
Gazeta "Sharq" nashriyot-matbaa aksiyadorlik kompaniyasi bosmaxonasida bosildi.
Bosmaxona manzili: "Buyuk Turon" ko'chasi, 41-uy. 1 2 3 4 5 6

ISSN 2010-7033



Bosishga topshirish vaqti: 21.00
Bosishga topshirildi: 19.00